



**Jamhuuriyadda Federaalka Soomaaliya  
Baarlamaanka Federaalka Soomaaliya  
Golaha Shacabka**

**Hadalqoraalka kalfadhiga 5-aad  
Docomentigalka 5-aad/kul-2-aad**

**20/10/2014**

**Kalfadhiga 5-aad  
Kulankiisa 2-aad. Saac.Fur.11:20, Saac.Xir. 1:15gd.  
Guntinta (Qorum) 155-164**

## **Ajenda**

- 1. Furitaanka Aayadaha Qur'aanka Kariimka**
- 2. Ansixinta Ajendaha**
- 3. Dhaarinta Xildhibaanada**
- 4. Sharciga kaluumeysiga (dib u xasuusin) si loo dhameystiro codeynta**
- 5. Qeybinta sharciga hantidhoorka Guud ee Qaranka**
- 6. Qeybinta hishiiska Difaaca talyaaniga iyo Soomaaliya (Nuqulka asalka ah ee hishiiska lagu soogalay Ingilish Version oo Xukuumada lagu sugaayay**
- 7. Warbixinta Guddiga Daraasaadka iyo soodiyaarinta sharciga Axaabta Siyaasadeed**
- 8. Warbixinta Deegaanada**
  - a) Nugaal – Xil. Maxamed Xuseen Nuur (Xagaafe)**
  - b) Mudug – Xil. Tahliil Cabdi Maxamed**
  - c) Shabeelada Dhexe Xil. C/laahi Axmed Xuseen**

**Shir-Guddoomiye Guddoomiyaha Baarlamaanka Mudane Muxamad Sheekh Cusmaan (jawaari)**

Waxaa shirka furay Guddoomiyaha Baarlamaanka Mudane Muxamad Sheekh Cusmaan (jawaari), waxaana lagu furay Aayadaha Qur'aanka Kariimka uuna Akhriyay Xil. Sheekh shaacir.

Kadib, Guddoomiyaha wuxuu sheegay in la dhaarinaayo Xildhibaanada cusub, kahor inta aan la dhaarin ayaa labo xildhibaan waxay soo jeediyeen fikradahooda:

Xil. C/laahi Jaamac iyo Xil. Fadhayo waxay soo jeediyeen in Baarlamaanka la horkeeno wixii u qabsomay labadiisano ee la soo dhaafay iyo wixii u qabsomay .

Kadib waxaa la dhaariyay Xildhibaanadii cusbaa oo kala ahaa.:-

1. Maxamed Ducaale Muuse wuxuu bedalay Marxuum Saado Cali Warsame
2. Yuusuf Maxamed Cali wuxuu bedalay Dr. Cali Khaliif Galeyr
3. Siciid Maxamed Maxamud wuxuu bedalay Marxuum Jeneral Maxamed Maxamud Xeyd.

Guddoomiyaha wuxuu sheegay in wixii la qabto qoraal lagu soo gudbiyo, arinkaana waa in go'aan laga yeeshaa, kalfadhigaana waxaa loo baahanyahay in la qabto shaqo wanaagsan, haddii kalfadhigaan la shaqeyn waayana ay dhicidoonto inay waxba nooqabsoomi waayaan, shaqada ugu badana waxaa qabandoona Guddiyada, wuxuuna soo jeediyay in Guddoomiyayaasha Guddiyada ay la socdaan xildhibaanada soo xaadiro iyo kuwa aan soo xaadirin. Kadib, Guddoomiyaha wuxuu u mahadceliyay Guddiga joogtada ah oo sida wanaagsan uga soo shaqeeyay weyneynta Calanka Soomaaliyeed oo 60 jirsaday xaflad balaaran oo loo qaabtay 12 Oktoober 2014. Guddoomiyaha wuxuu intaa kudaray in la joojiyay safaradii Xildhibaanada, iyo in Xildhibaanadii doonayo fasax uu soo maro Guddoomiyaha Guddigiisa ,Guddiga Anshaxa iyo Nidaamiyaha Golaha, Fasax qaadashada looma imaan Karo Guddoomiyaha iyo ku-xigeenadiisa.

Wuxuu kaloo sheegay in Xildhibaanadii maqnaado 7 Fadhi in loo qori doono waraaq digniin ah iyo \$600 ooganaax ah

Kadib, Guddoomiyahab wuxuu u yeeray Xildhibaan C/risaaq Cusmaan Xasan (Jurilla) si uugolaha ugu soojeediyo waxa u qabsoomay guddiga Daraasaadka iyo soodiyaarinta Sharciga Axaabta Siyaasadeed.

Guddoomiye C/risaaq Jurilla wuxuu sheegay in dardarankii Odayaashii ansaxiyey Dastuurka qabyada ah in ay dhameystiraan Xildhibaanadda Baarlamanka ,inta aan la gaarin sannadka 2016ka. Wuxuu intaa ku daray in Guddiga fadhigiisa ugu horeeyey uu qabsoomay 20kii may 2014, wax yaabo badana ay u qabsoomeyn. Ayna dhiseen labo Guddi- hoosadyo ayagoo ujeedkooda ahaa in la helno hog dheeraad ah, xogtaasoo ka mid ah shuruucda dalka uu ku dhaqmi jiray iyo Dalalka sideena oo kale u burburay haddana shuruuc sameystay, wuxuu kaloo sheegey in daraasaad ay ku sameeyeen Siyaasada Xildhibaanada Baarlamanka ee JFS. iyo Xisbiyiinta ka jira wadamada deriska sida - Dalka Jabuuti iyo wadamo kale.

Waxay Guddiga ay soo ogaadey in Guddoomiyahii Golaha Baarlamanka Soomaaliya ugu horeeyay ee si xor ah loo soo doortey uu ku noolyahay wadanka Zambia ee Lusaka wuxuu kaloo sheegay in la doonayo Axaab siyaasadeed oo sharci ah lagana raadinaayo Dowlad goboleedyada.

Wuxuu kusoo gabagabeeyay in Xildhibaanada looga baahanyahay wixii talo iyo tusaale ay hayaan ay kula soo noqdaan Guddiga Axaabta Siyaasadda.

Guddoomiyaha Golaha wuxuu sheegay in loo gudbaayo ajendaha kale waxaana loo yeeray Xil.Maxamed Xuseen Nuur Xagaafe si uu uga warbixiyo Gobolka Nugaal.

**Xil. Xagaafe** wuxuu sheegay in 22/05-06-07/2014, uu ka qeyb qaatay caano shubkii Boqorka oo ka dhacay maagalada Qardho, wuxuu kaloo sheegay in dhibaataada gobolka heysta ay badan tahay sida: Ceelasha biyaha oo dhaadheer oomane ah, Baahi caafimaad daro oo heysto dadka iyo duunyada, xaga waxbarashada oo yar, meelaha qaar oo cuni yari ka jirto, Wadooyinka oo burbursan, xeebihii laga kaluumeysan jiray oo la xaalufiyay IWM.

Intaa kadib Xildhibaanaka wuxuu talo ku bixiyay in wax loo qabto safaradana loo badiyo si ay dhibaataada ka jirto ay u yaraato.

**Xil. Fadhayo,** wuxuu sheegay waa in la xisaabsamaa oo Baarlamaanka la hor keeno wixii u qabsoomay labadii sano ee lasoo dhaafay iyo wixii aan qabsoomin.

**Xil.C/laahi Jaamac,** wuxuu sheegay in Baarlamaanka uu leeyahay sharci uuna shaqeyay labadii sano ee lasoo dhaafay balse hay'adda fulinta ay meel marin weysay. Kadib, Guddoomiyaha wuxuu ka codsaday in hal maalin lagu daro jadwalka si aan uga doodno.

**Xil. C/laahi Sheekh Ismaaciil,** wuxuu sheegay in aan bil dhan aanan shaqeynin Aduunkana uu maleeyo inaan shaqeyneyno, wuxuu soo jeediyay in baaqasho danbe aan loo noqonin.

**Xil. Bashiir** wuxuu sheegay in loo adeego danta Dalka iyo dadka waa mid meesha ku jirta.

Guddoomiyaha wuxuu sheegay in shilinka soomaaliga la socodsiiyo waana foolxumo in qof soomaali oo xamaali ah lagu xujeeyo lacag Doolar \$ ah. Intaa kadib wuxuu kusoo gabagabeeyay in loo yeero Hantidhoorka guud iyo Guddoomiyaha Bangiga dhexe si loo weydiiyo su'aalo. Wuxuu kaloo sheegay in bari uu jiro shirka Golaha.

**Kalfadhiga 5-aad kulankiisa 2-aad uu shir-guddoominayay Guddoomiyaha Baarlamaanka Mudane Maxamed Sheekh Xusmaan Jawaari wuxuu sheegay inuu xiran yahay saacadda markey eheyd 01:15gd.**